

山谷詩注

內集
別集

外集

一



山谷詩注

內集
別集

外集

二



山谷詩注

內集
別集

外集

三



山谷詩注

內集
別集

外集

四



山谷持法圖 卷一

一

山谷詩注

內集
別集

外集

—

黃庭堅
撰

中華書局

山谷詩注

內集
別集
外集

二

黃庭堅
撰

中華書局

山谷詩注

內集
別集
外集

三
黃庭堅
撰

中華書局

山谷詩注

內集
別集

外集

四

黃庭堅撰

中華書局

此據聚珍版叢書
本排印初編各叢
書僅有此本

黃陳詩注原序

六經所以載道。傳之後世。而詩者。止乎禮義。道之所存也。周詩三百五篇。有其義而亡其辭者。六篇而已。大而天地日星之變。小而蟲鳥草木之化。嚴而君臣父子。別而夫婦男女。順而兄弟。羣而朋友。喜不至瀆。怨不至亂。諫不至訐。怒不至絕。此詩之大略也。古者登歌清廟。會盟諸侯。季子之所仰。鄭人之所賦。與夫士大夫交接之際。未有舍此而能達者。孔子曰。爲此詩者。其知道乎。又曰。不學詩。無以言。蓋詩之用於世。如此。周衰。官失學廢。大雅不作久矣。由漢以來。詩道浸微。陵夷至於晉宋齊梁之間。哇淫甚矣。曹勣沈約之詩。非不工也。如刻繒染縠。可施之貴介公子。而不可用之黎庶。陶淵明韋蘇州之詩。寂寞枯槁。如葢蘭幽桂。可宜於山林。而不可置於朝廷之上。李太白王摩詰之詩。如亂雲敷空。寒月照水。雖千變萬化。而及物之功亦少。孟郊賈島之詩。酸寒儉陋。如蝦蟹蜣蛤。一啖便了。雖咀嚙終日。而不能飽人。惟杜小陵之詩。出入古今。衣被天下。藹然有忠義之氣。後之作者。未有加焉。宋興二百年。文章之盛。追還三代。而以詩名世者。豫章黃庭堅魯直。其後學黃而不至者。后山陳師道無已。二公之詩。皆本於老杜而不爲者也。其用事深密。難以儒佛。虞初稗官之說。雋永鴻寶之書。牢籠漁獵。取諸左右。後生晚學。此祕未覩者。往往苦其難知。三江任君子淵。博極羣書。尙友古人。暇日遂以二家詩爲之注解。且爲原本立意始末。以曉學者。非

若世之箋訓。但能標題出處而已也。既成以授僕。欲以言冠其首。予嘗患二家詩。興寄高遠。讀之有不可曉者。得君之解。玩味累日。如夢而寤。如醉而醒。如痿人之獲起也。豈不快哉。雖然。論畫者可以形似。而捧心者難言。聞絃者可以數知。而至音者難說。天下之理。涉於形名度數者可傳也。其出於形名度數之表者。不可得而傳也。昔後山答秦少章云。僕之詩。豫章之詩也。然僕所聞於豫章者。願言其詳。豫章不以語僕。僕亦不能爲足下道也。嗚呼。後山之言。殆謂是耶。今子淵既以所得於二公者。筆之於書矣。若乃精微要妙。如古所謂味外者。雖使黃陳復生。不能以相授。子淵尙得而言乎。學者宜自得之可也。子淵名淵。嘗以文藝類試有司。爲四川第一。蓋今日之國士。天下士也。紹興鄱陽許尹絃。

山谷內集詩注原目

附年譜

近世所編豫章集詩凡七百餘篇大抵山谷入館後所作山谷嘗傲莊子分其詩文爲內外篇此蓋內篇也晚年精妙之極具於此矣然詮次不倫離合失當今以事繫年校其篇目各如本第其不可攷者卽從舊次或以類相從詩各有注離爲二十卷云

第一卷

元豐元年戊午是歲山谷在北京

古詩二首上蘇子瞻

東坡守徐州山谷教授北京初通書并以此二詩寄意東坡亦有報書及和章山谷書云今日竊食於魏會閣下開幕府在彭門又云作古風詩二章賦諸從者卽此詩是也以東坡集攷之蓋元豐元年

年魏卽北京彭門卽徐州建炎中山谷之甥洪炎丞父編其舅文集斷自退聽堂始退聽以前蓋不復取獨取古風二篇冠詩之首且云以見督直受知於蘇公有所自也今從之退聽堂在汴京圃池寺南山谷作館職時寓筆硯於此其贈俞清老詩跋曰書於圃池寺南退聽堂下然此堂名其後隨所在揭之

醴道得蛤蜊復索舜泉舜泉已酤盡官醞不堪不敢送

舜泉當是河北酒名外集有和王世弼求舜泉詩首句云寒窗薄飲留佳客盡簡殘篇作近鄰張淵方回家本

置此詩於北京教授時與詩意正合。自此詩至未入館前洪玉父皆不編入今豫章前集有之然亦不過數篇爾方回大父名墳山谷嫁壻也。

元豐三年庚申

是歲山谷在京師蓋罷北京教官後赴吏部得改官知吉州太和縣其秋自汴京歸江南○舊有寄李公擇詩序云元豐庚申歲庭堅得邑太和外集有曉放汴州詩云秋聲滿山河未云又持三十口去作江南夢

次韻千穉川客舍二首

彭山黃氏有山谷手寫此詩題云王鑑穉川元豐初調官京師云云當是山谷北京解官後至京師所作後篇歎乃歌有長安城中花片飛蓋暮晚時也

欽乃歌二章戲王穉川

詠史呈徐仲車

張方回家本置此篇於太和詩中○仲車家於楚州當是山谷赴太和時舟行經途所作

宿舊彭澤懷陶令

彭澤城在江州亦經途所作以張方回家本編次○山谷過南康軍祭劉凝之文云元豐三年庚申十二月辛酉其宿彭澤蓋亦同時到官或在明年之春夏歟

題山谷石牛洞

舊本有寄李公擇詩序云庭堅得邑太和舅氏李公擇提點淮南西道刑獄自同安來相見於皖口風雨中留十日此詩蓋是時所作同安皖城皆隸舒州石牛洞在舒之三祖山山谷寺魯直嘗游而樂之因自號山人

山谷道人

題澗峯閣

澗山亦在舒州詩有梅藥之語蓋冬末所作

次韻公擇舅

李常字公擇

元豐四年辛酉至六年癸亥

山谷在太和凡三年。至元豐癸亥移監德州德平鎮。○山谷有大孤山詩刻云是歲癸亥十有二月余自太和移德平。

贛上食蓮有感

贛上卽虔州。虔與吉鄰郡。江西外臺所在山谷或以白事至此。

秋思寄子由

是時蘇黃門謫監筠州鹽酒稅。筠吉皆在江西。山谷嘗有與黃門書云得邑極南幸執事在旁郡又云有高安行李必問動靜高安卽筠州黃門名徽字子由。

贈別李次翁

以張方回家本編次

演雅

本句云江南野水碧於天中有白鷗閒似我當是在太和所作。山房李彤字敞云此篇山谷晚年刪去形蓋山谷伯舅之子。

戲和答禽語

附前篇

贈鄭交

山谷在荊州爲興上人書此詩跋云癸亥歲余解官太和過武寧聞清上人當來延恩因謁鄭子通問消息。題詩子通之壁草堂鄭交處士隱處也云云余家所藏善本如此老禪謂延恩長老法安安死於元豐八年山谷爲之銘此詩蓋

六年所作

元豐七年甲子。是歲山谷監德州德平鎮。嘗有發願文。蓋七年三月過泗州僧伽塔所作。到官當在夏秋也。

平陰張澄居士隱處三詩。張方回家本題云。王郎求此詩。王郎卽世。彌其詩具。後篇此詩山谷晚年亦刪去。

留王郎。山谷在德平。有與德州太守書云。客宦不能以家來。官舍蕭然如寄。而此詩有河外吹沙塵。江南水無津之句。又云。我隨簡書來。顧影將一身。蓋言身在河北。家在江南。

送王郎。豫章原次。前篇今從之。

次韻劉景文登鄴王臺見思五首。詩有平原秋樹色。沙麓暮鐘聲之句。平原卽德州。又云。繫匏兩相憶。極目十餘城。蓋鄴王臺在相州。相與德皆河北郡。相去數驛。

次韻吳宣義三徑懷友。以張方回家本編次。

送劉季展從軍鴈門二首

題宛陵張待舉曲肱亭。從豫章集舊次。

元豐八年乙丑

春夏山谷在德平按實錄是歲三月哲廟卽位四月丁丑以祕書省校書郎召到京師時當六七月間

寄裴仲謨

山谷在德平與德州太守書云某官局勉以不蒙幸親老在都下善眠食兄弟無他而此詩有我家燈下薪桂炊白玉在官與影俱衣綻旋曲局天機行日月春事勤草木之句在德平過春惟乙丑年爾

寄黃幾復

舊本於題下注云乙丑年德平鎮作其詳具元祐二年相篇下注

神宗皇帝挽詞三首

據實錄是歲三月戊戌神宗升遐此詩及上文恭挽詩皆因廟號歲月爲次後多倣此自此以下詩皆入館後所作

王文恭公挽詞二首

王拜字禹玉相神宗哲宗按實錄元豐八年五月庚戌薨諡文恭

謝溪碾壑源揀芽

詩有橋山事嚴庄百局謂營奉神宗山陵又云右丞似是李元禮謂李清臣邦直據實錄清臣以元豐六年八月拜右丞至元祐元年閏二月方遷左丞

以小龍團及半挺贈無咎并詩用前韻爲戲

從舊次是補之字無咎

和客外舅孫莘老

舊本云莘老病起作詩寄同舍○莘老名覺實錄本傳云元豐八年哲廟卽位自祕書少監除右諫議大夫故詩中有少監嚴壑姿及寄擊舊僚屬尙憐費諫紙之語而首句則云西風挽不來當是秋初所作

次韻定國聞子由臥病績溪

蘇黃門藥城集有復病詩云病作日短至病消秋風初黃門時爲歙州績溪令王定國名翬